

Norsk Ordbok 2014

ÅRSRAPPORT 2007

Oslo 31. januar 2008

Innhald

Innleiing.....	3
A. Rammevilkår	5
1. Organisering og finansiering	5
2. Lokalisering.....	5
3. Personale	6
B. Manusarbeid.....	7
4. Band 7	7
5. Band 1 til 5	7
C. Utvikling av verktøy	8
6. Redigeringsapplikasjonen	8
7. Elektronisk utgåve av ordboka	8
8. Setelarkivet.....	9
9. Målføresynopsisen	9
D. Utviding og forbetring av tilfang	10
11. Nynorsk tekstkorpus.....	10
12. Metaordboka.....	10
13. Blyanttilskrifter	11
14. Nytt tilfang	11
E. Formidling, informasjon og kompetanseheving.....	11
15. Formidling og informasjon.....	11
16. Kompetanseheving	13

Innleiing

Norsk Ordbok 2014 legg med dette fram årsrapporten for 2007. Hovudmålet vårt er å gje ut Norsk Ordbok band for band. Vi har halde planen for manusproduksjon i år. Vi lanserte band 6 av ordboka i mars etter å ha blitt ferdige med manuskriptet før jul 2006. I heile 2007 har vi arbeidd med band 7. Vi er i rute med dette arbeidet ved utgangen av året med tanke på planen som medfører lansering av bandet før sommaren 2008. Når det gjeld andre underordna mål med prosjektet, har vi utvida det digitale kjeldegrunnlaget vårt ein heil del, medan det har skjedd mindre når det gjeld utvikling av verktøy. Elles har vi hatt eit svært godt formidlingsår med mykje positiv respons i fleire fora.

Manusproduksjon

Redaksjonen har nyredigert 549,84 sider av band 7 i løpet av året. (Årsplanen la opp til 550 sider.) Til saman hadde vi 693,25 sider manuskript ved utgangen av 2007. 344,89 sider har vorte flytta gjennom alle stega i kvalitetssikringsprosessen. Dei redaksjonelle rutinane fungerer godt, sjølv om vi ser at det ikkje er lett å nytte ut ressursane til hovudredaktør og sitatkontrollørar i starten av eit nytt ordboksband.

Folk og opplæring

Også 2007 har blitt eit opplæringsår. På grunn av ein permisjonssøknad, ei oppseiing og ei ekstraløyving har tre nye redaksjonsassistentar kome inn i opplæringsprogrammet, medan éin assistent har fått opprykk til redaktør. Redaksjonen har også i år opplevd alvorleg sjukdom forutan svangerskapspermisjonar, slik at ikkje alle redaktørane har fungert i full stilling. Ved utgangen av 2007 er no 26 personar knytte til redaksjonen i redaktørfunksjon. I tillegg er éin redaktør ute i eitt års permisjon. Éin av dei 26 er i svangerskapspermisjon, og tre er i heil eller delvis sjukemelding ved årsskiftet. Administrasjonen tel tre personar fordelte på 2,5 årsverk, og vi har ein redaksjonssekretær. I 2007 har dessutan fem personar vore knytte til prosjektet som vitskaplege assistentar. Sjå vedlegg 1 for eit nøgnare oversyn over tilsette og effektive årsverk.

Utvikling av verktøy og utviding av materialet

Personalstoda ved EDD har gjort at det har skjedd mindre på verktøysida enn vi hadde planlagt. Den nyttilsette ved EDD har brukt tida på å sette seg inn i applikasjonen i tillegg til å førebu eit teknologisk plattformskifte i 2008. Vi har likevel fått laga ein nettbasert ordregistreringsmodul, som er ein pilot i forhold til den nye versjonen av setelarkivet som EDD no førebur. For framdrifta er det svært viktig at ein brukarvenleg versjon av Målføresynopsisen no er på plass. Innlastinga av band 1 og 2 i databasen har vist seg å vere ein mykje større jobb enn vi hadde rekna med. Band 1 og 2 er no lasta inn, men krev svært mykje etterarbeid for å falle heilt på plass i databasestrukturen. Grunnen er at dei gamle ordboksmanusa blei utforma etter ein mykje mindre stringent mal enn det redigering etter ein fast databasemodell krev. Det er brukt ca. 25 vekerverk på denne jobben hittil, men 1. des. vart dette arbeidet sett til side slik at vi fullt og heilt kan konsentrere oss om manuset til band 7.

Materialet vårt er monaleg utvida i 2007. Det er tagga meir enn tre millionar ord for korpusinnlegging, og redaksjonen har lagt inn over 20.000 ord i setelarkivet. I tillegg er to store kortarkiv og seks ordsamlingar kopla til Metaordboka via ordbokshotellet.

Administrasjonen

Kristin Bakken kom tilbake i stillinga si som direktør 1.1.2007. Førstekonsulent har vore Rebecca Boxler Ødegaard fram til ho gjekk ut i svangerskapspermisjon den 8. august. Andreas Tandberg har vore engasjert som konsulent fram til og med 30. juni, og som førstekonsulent frå 1. juli og ut året. Som vikar for Rebecca Boxler Ødegaard kom Guro Langedok Bjørnstad inn i halv stilling frå og med 25. september.

Styret

I 2007 har desse vore medlemmer av styret for Norsk Ordbok 2014: Styreleiar Magnus Rindal, varaleiar Eli Fiskvik, Yngve Sjøgreen Foss, Sigve Gramstad, Randi Alice Nilsen, Øyvind Eide og Lars S. Vikør. Fire møte har vore haldne, og 32 saker har vorte handsama.

Formidling

Ordboksredaksjonen har vore representert på tre fagkonferansar med føredrag i året som gjekk (Akureyri i mai, Kristiansand i november og Stavanger i november). Vi har hatt eiga bu på Forskingstorget i Oslo 21.-22. september som genererte mange presseoppslag. Det same gjorde lanseringa av band 6 i mars. Sjå elles vedlegg 2 og 3.

Takk

Vi vil takke Stortinget, Kultur- og kyrkjedepartementet, Universitetet i Oslo og Institutt for lingvistiske og nordiske studium som har gjeve Norsk Ordbok 2014 gode og føreseielege arbeidsvilkår også i 2007.

Kristin Bakken
Dato 31. januar 2008.

A. Rammevilkår

1. Organisering og finansiering

Mål 2007	Resultat
a) Å halde oppe strukturen med éi leiargruppe og fleire redaksjonsgrupper. Leiarane i redaksjonsgruppene bør vere representerte i leiargruppa.	Vi har ført vidare denne organisasjonsmodellen i 2007. OA har fungert som gruppeleiar for AA, AE, KS og TS. HG har fungert som gruppeleiar for ANN, DR, ÅR og OV. TEJ har fungert som gruppeleiar for ØE, EJE, GAa, og har i tillegg lese manus for OA. DW har vore gruppeleiar for HG, KEK og ÅW. KEK har vore gruppeleiar for BN, LIAa, ØB, og dessutan SBO og LS frå 1. september. AE har vore gruppeleiar for GW, SR, HH og III (den siste frå 1. september). AE hadde ansvar for SBO og LS i august. KS har lese manus for LSV, DW, LK og OG. ØE har lese manus for TEJ. I leiargruppa har KB, LSV, OG, OA, DW, KEK, HG og AE møtt.
b) Manuskontroll skal framleis skje ved gruppeleiarane, ved kryssjekkgruppa, ved sitatkontrollen og ved hovudredaktør.	Kvalitetskontrollen har føregått etter same modell som før.
c) Når Laurits Killingbergtrø går av med pensjon i april, må vi få inn ein ny assisterande hovudredaktør som skal avhjelpe Lars S. Vikør med manuslesing	Dagfinn Worren gjekk inn som ny assisterande hovudredaktør frå 1. april.
d) Vi vil framleis vere med på å arbeide for at samlingsverksemda blir konsolidert innanfor rammene av instituttet, men samstundes syte for at prosjektet beheld sitt eige budsjett og administrative handlingsrom.	Kristin Bakken har representert ILN på eit nasjonalt møte i Bergen om digitale dialektarkiv. Ho var deretter aktiv i utarbeidinga av eit nasjonalt innspel til NFR som gjekk ut på å formulere eit vegkart for forskingsinfrastruktur.
e) Vi vil søkje midlar av statsbudsjettet til fristen 31. mars.	Vi søkte om kr. 13.166 mill. og sendte inn søknaden 31. mars. I tillegg bad vi om ei ekstraløyving i eit eige brev sendt same månad. Som svar på brevet fekk vi ei tilleggsøyving på kr. 524.000 i juni 2007. I statsbudsjettet for 2008 fekk vi kr. 13,6 mill.

2. Lokalisering

Mål 2007	Resultat
a) Vi vil ferdigstille seks nye arbeidsplassar i 3. høgda i GA 25 og innreie eit lite møte- og leserom.	Vi innreidde eit lite møterom, men gjorde det om til kontor igjen. I tillegg til to vit.ass.-plassar og fem redaktørplassar i 3. etasje, har

	vi delt eit dobbelkontor i 2. etasje, og fått éin ny redaktørplass der.
b) Om vi får utvida stillingsramma i 2007, vil vi ta kontakt med NTNU for eventuelt å få leige ein kontorplass til.	Vi har tilsett dei nye redaktørane med arbeidsplass i Oslo.

3. Personale

Mål 2007	Resultat
a) Vi vil gjere ferdig opplæringa av den redaksjonsassistenten som no kjem tilbake etter svangerskapspermisjon.	Opplæringa er ferdig.
b) Vi vil fremje denne assistenten for opprykk til redaktør når opplæringa er fullført i juni.	Vi har fremja denne redaktøren til opprykk med verknad frå 1. juni.
c) Om budsjettssituasjonen tillet det, vil vi tilsetje minimum éin redaktør til hausten 2007.	Vi tilsette to nye redaktørar frå og med 1. august, den eine til erstatning for ein som sa opp stillinga si, den andre for tilleggsøyvinga vi fekk i juni. I tillegg engasjerte vi ein vikar for den redaktøren som gjekk ut i eitt års permisjon med verknad frå 1. september.
d) Om budsjettet tillèt det, vil vi engasjere sommarhjelp for ocr-skanning og tagging av tekst.	Vi hadde to assistentar som arbeidde med tagging og ocr-skanning i sommar. Hausten 2007 har vi hatt to assistentar som har tagga tekst for korpus, éin som har normert dialektord for Metaordboka og éin som har ekserpertert lokal matterterminologi.
e) I mars vil vi skipe til eit avtakkingsarrangement for Laurits Killingbergtrø som går av for aldersgrensa. Vi vil også feire to tilsette som fyller 60 år i 2007.	Vi feira Olaf Almenningen sin sekstiårsdag 30. januar og Laurits Killingbergtrø som pensjonist den 12. april. I høve 60-årsdagen til Oddrun Grønvik den 18. august skipa vi til eit fagleg seminar den 12. september. Magne Myhren sin 70-årsdag vart feira med eit fagleg føredrag den 5. desember.
f)	I mars vart Astrid Nilsen-Nygaard sjuk og gjekk ut i langvarig sjukepermisjon.
g)	Øystein Baardsgaard sa opp stillinga si med verknad frå 1. juli.
h)	Børge Nordbø fekk innvilga eitt års permisjon med verknad frå 1. september.
i)	25. september tilsette vi Guro Langedok Bjørnstad i 50 % stilling som vikar for Rebecca Boxler Ødegaard i konsulentstilling.
j)	I november vart Åse Wetås sjuk og gjekk ut i langvarig sjukepermisjon.

B. Manusproduksjon

4. Band 7

Mål 2007	Resultat
a) Vi tek sikte på å nyredigere 550 sider av band 7 i 2007. Det gjev eit snitt på 23 sider pr. redaktørårsverk. Vi tek sikte på å ferdigstille band 7 til 1. mai 2008.	Pr. 31. desember 2007 hadde vi redigert 549,84 sider. Vi mangla altså 0,16 sider for å nå årsmålet.
b) Vi bør difor ha nyredigert 275 sider til 1. juli. Det gjev eit snitt på 46 sider pr måned for redaksjonen under eitt i vårsemesteret.	Vi hadde redigert 284,9 sider den 13. juni. Så langt gjev dei eit snitt på knappe 55 sider pr måned i vårsemesteret.
c) Kvalitetskontrollen bør i størst mogleg grad skje fortløpande.	Kvalitetskontrollen har skjedd fortløpande. Pr. 31. desember har vi 344,89 sider ferdige til korrektur.
d) På juniseminaret vil vi revurdere årsmålet og eventuelt justere det om røynslene frå vårsemesteret gjev grunnlag for det.	Vi justerte ikkje årsmålet som viste seg å vere eit svært presist estimat.

5. Band 1 til 5

Mål 2007	Resultat
a) Band 2 må gjerast ferdig frå redaksjonens side for innlegging i basen. Dette bør helst vere på plass til 2. februar.	Dette var på plass til 1. mars.
b) Band 1 og 2 må gjerast ferdige frå EDD si side. Band 2 må vere klart til 1. mars. Band 1 hastar det litt mindre med, men bør likevel vere ferdig til 15. mars.	Dette var på plass til 30. april.
c) Det må lesast ein kontroll på band 2 i perioden 1. mars til 12. mars.	Vi brukte ca. 18-20 arbeidsveker fordelt på seks personar på å rette opp band 1 og 2 i mai. I haust heldt fire personar fram med å setje av tre dagar i månaden til oppretting. Til saman er sju arbeidsveker gått med til dette i haust. Vi fekk slik eit godt grunnlag for å gjere ei vurdering av både omfanget og karakteren av dette arbeidet. Konklusjonen vi kom fram til i november er at vi berre så vidt har tatt hol på eit svært krevjande og omfattande arbeid, der grensa mellom databasetilpassing og revisjon er vanskeleg å dra. Om vi set av 12 arbeidsdagar i månaden gjennom eit heilt år, greier vi å gjere oss "ferdige" med 100 sider manus i året. Og 12 arbeidsdagar i månaden (fordelt på tre-fire personar) vil ete av den ordinære manusproduksjonen. I desember konkluderte vi difor med at vi truleg må ha eiga finansiering for å greie å

	innpasse band 1-5 fullt ut i databasen, og at vi i første omgang ferdigstiller band 7 før vi eventuelt held fram med dette arbeidet i liten skala.
d) Fotosats på band 2 bør sendast over til forlaget 12. mars.	Desse måla har vi gått bort frå, for dei lét seg ikkje gjennomføre innanfor dei ressursrammene vi no har, jf. punkt c ovanfor. Forlaget trykkjer opp faksimileutgåver av band 1 og 2 for sal.
e) Det bør lesast ein kontroll på band 1 i perioden 15. mars – 30. mars.	
f) Fotosats til band 1 bør sendast over til forlaget 30. mars.	
g) Arbeidet med <i>h</i> (første halvdel av band 5 og slutten av band 4) bør vere ferdig til 31. desember, medan arbeidet med band 3 og 4 kan skuvast til 2008.	

C. Utvikling av verktøy

6. Redigeringsapplikasjonen

Mål 2007	Resultat
a) Få inn hurtigtast for lagring – ctrl-S	Dette er på plass. Ingen av desse forbetringane er gjorde. Grunnen er personalstoda ved EDD, med utskifting av personale og ny opplæring. Forbetringane er marginale når det gjeld funksjonalitetsforbetring, og opplæringa har fokusert på mykje meir grunnleggjande strukturar og funksjonalitetar
b) Få inn spesifiseringsmalar for dei ulike litterære kjeldene.	
c) Få inn eit felt for litteraturkode etter heimfesting i hakeparentes i søkjeskjemaet.	
d) Få moglegheit for å høgreklikke på bibliografikode for å få fram utfyllande informasjon.	
e) Få moglegheit for å gjere fritekstøk i heile manuskriptet eller i hakeparentes eller tydingsbolk for seg.	
f) Klipp- og lim-funksjon for å flytte heimfestingar i målføredelen av hakeparentesen.	
g) Status ”oppretting”. Få sjanse til å sortere dei ulike typane av artiklar til oppretting ved hjelp avlogg-systemet.	
h) Freiste å få redusert uforklarlege applikasjonskrasj til eit minimum.	Drifta av basen er no sikker og pålitande.

7. Elektronisk utgåve av ordboka

Mål 2007	Resultat
a) Å greie ut prinsippa for ei avtale om rettane til den elektroniske utgåva av ordboka med forlaget.	Dette er ikkje gjort, for ferdigstilling av databasen (jf. punkt 5 c ovanfor) er ein føresetnad for den elektroniske utgåva.. .
b) Å setje ned ei arbeidsgruppe som skal freiste å kome fram til eit brukarvennleg konsept for e-NO.	

8. Setelarkivet

Mål 2007	Resultat
a) Å revidere sjølve arkitekturen til setelarkivet, lage nye "utgåve" av databasen.	Dette arbeidet er i gang. Applikasjonen skal nyskrivast i programmeringsspråket java.
b) Å revidere innskrivingsformat for registrering av ny setel for å gjere denne jobben enklare.	Dette er ikkje gjort, for heile applikasjonen skal nyskrivast i java, og det er ikkje noko poeng å gjere overflatiske justeringar av den gamle delphi-strukturen.
c) Å harmonisere litteraturmenyen i SA med NO-signaturane.	Dette er ikkje gjort, jf. punkt a og b ovanfor.
d) Å leggje restriksjonar på ordklassfeltet i SA utan at det får tilbakeverkande kraft.	Dette er ikkje gjort, jf. punkt a og b ovanfor.
e) Å arbeide for at det blir ei direkte kopling mellom ordbokshotellet og SA slik at ein kan gjere felles søk.	Ein kan gjere felles søk via Metaordboka, men ikkje frå Setelarkivet.
f) Å lage enklare registreringsmåte for små ordsamlingar, dvs. eit innskrivingsformat med automatisk førehandsfyll.	Det er laga ein modell som er testa på Forskningstorget 21.-22. september "Ord i Oslo". Databasen er tenkt vidareført som ein generell registrantmodell for små ordsamlingar. Dette har også vore eit pilotarbeid før nyskrivinga av applikasjonen i java i 2008.
g) Låsing av setlar – revurdere om dette er naudsynt.	Dette er ikkje gjort, jf. punkt a og b ovanfor.
h) Lage ein måte å halde dei setlane som har "uregistrerte kjelde" saman på med tanke på opprydding. Det same gjeld for setlar utan oppslagsord, dvs. "8000-setlane".	Dette er ikkje gjort, jf. punkt a og b ovanfor.

9. Målføresynopsisen

Mål 2007	Resultat
Å utarbeide ein meir brukarvennleg inngang til den digitaliserte synopsisen.	Dette vart gjort til 13. desember.

10. Redigeringshandboka

Mål 2007	Resultat
a) Tidleg på året og innan 1. mars integrere revisjonsarbeid som har blitt liggjande og som bl.a. gjeld målføre og etymologi, jf. presentasjonane på seminar 30. januar 2007.	Her er vi no à jour med unnatak av revisjonen som gjeld målføre. Denne revisjonen blir overført til 2008.
b) Revisjon av underoppslagskapitlet	Dette er ikkje gjort, for det inneber eit meir omfattande arbeid enn vi har kunna setje av tid til i 2007. Målet blir overført til 2008.
c) Etablere dømesamling med mønsterartiklar	Dette er ikkje gjort, men vi overfører målet til 2008.
d) Kontinuerleg utbygging og innarbeiding	Her er no etablert ein god rutine.

av vedtak gjennom heile året	
------------------------------	--

D. Utviding og forbetring av tilfang

11. Nynorsk tekstkorpus

Mål 2007	Resultat
a) Om budsjettet tillèt det, få ocr-skanna resten av T. Vesaas sitt forfattarskap etter å ha fått avtale på plass med Gyldendal.	Vesaas-bøkene vart ocr-skanna i juli.
b) Tagge resten av T. Vesaas sin forfattarskap, og om budsjettet tillèt det, to band av Arne Bergs <i>Norske tømmerhus frå mellomalderen</i> og resten av <i>Fedraheimen</i> .	22 Vesaas-bøker er tagga, dvs. at vi no har 34 bøker av Vesaas i korpuset. I tillegg er det tagga 5 bøker av Uppdal, til saman har vi 13 Uppdal-titlar i korpuset. Det er tagga 8 bøker av Duun, til saman no 21 titlar i korpuset. Årgang 1878 av <i>Fedraheimen</i> er tagga (650.000 ord). Dessutan er ei sakprosabok tagga. Pr. 12. desember var vi i gang med tagging av bd. 1 av Arne Berg: <i>Norske tømmerhus frå mellomalderen</i> .
c) Få på plass fleire avtaler om elektronisk tekst til korpus, i første omgang med Jon Fosse, Ottar Grepstad og Helge Sandøy.	Avtale med Jon Fosse er på plass.
d) Få på plass statistikkverktøy i korpuset.	Dette er ikkje gjort.
e) Få på plass ein randomiseringsfunksjon i korpuset.	Randomiseringsfunksjonen er utvikla, og tilgjengeleg for redkasjonen, men ikkje integrert i applikasjonen.
f) Gjere meir autotagging av avistekst.	Éin årgang av <i>Vestnytt</i> er autotagga (ca. 800.000 ord).
g) Arbeide med digitalisering av <i>Norsk allkunnebok</i> , i år i første omgang band 7–10.	Arbeidet går føre seg ved Digforsk i Masi. Band 7 og 8 er digitaliserte, band 9 er under arbeid.

12. Metaordboka

Mål 2007	Resultat
a) Normere MO til og med <i>e</i> i 2007.	Normeringa vart ajourført til og med <i>er-</i> pr. 1. juni.
b) Normere opp 5 nykoplade ordsamlingar før 1. mars.	Dette er gjort.
c) Hekte på ny versjon av g-manus i juni 2007.	Arbeidet er ferdig ved NO2014, og filene er ferdig bearbeidde frå EDD si side. Sjølv oppkoplinga er ikkje gjort.
d) Hekte på Hatlebrekke- og Solliasamlingane før 1. juli.	Dette vart gjort.
e) Hekte på 10 prioriterte ordsamlingar i ordbokshotellet.	Fire prioriterte ordsamlingar er på plass i ordbokshotellet, dessutan to uprioriterte som vi har fått særleg finansiering for å normere opp.

f) Hekte på 31 tagga ordsamlingar i ordbokshotellet.	Dette er ikkje gjort.
--	-----------------------

13. Blyanttilskrifter

Mål 2007	Resultat
a) Føre inn alle blyanttilskriftene i g-manus til 1. juni.	Dette arbeidet blei ferdig i mai.

14. Nytt tilfang

Mål 2007	Resultat
a) Vi tek sikte på å registrere 15 000 nye setlar i 2007.	Pr. 31.12 er det registrert 20.547 nye setlar i 2007.
b) Vi vil føre på oppslagsord i Solliasamlinga før 15. juni.	Dette er gjort.
c) Vere med på å leggje til rette for at samlinga etter Anders Skogen blir digitalisert.	Dette arbeidet er i gang.
d) Vere med på å leggje til rette for at samlinga etter Einar Haugen blir digitalisert.	Dette arbeidet er i gang.
e) Om ILN løyver pengar til å opprette ein registrant over lydbandfiler, vil vi tilsetje ein assistent i to månader for å gjere denne jobben.	Dette arbeidet er fullført.
f) Planleggje arbeidet med å tilretteleggje det digitaliserte kartmaterialet frå Målførearkivet for bruk i redaksjonen.	Dette er ikkje gjort. Vi ønskjer å gjere dette i 2008.

E. Formidling, informasjon og kompetanseheving

15. Formidling og informasjon

Mål 2007	Resultat
a) Vi vil lansere band 6 på eit arrangement i mars.	Lanseringsarrangementet gjekk føre seg 6. mars.
b) I samband med arrangementet vil vi arbeide for å få best mogleg pressedekning.	Vi fekk mange oppslag, blant anna i A-magasinet, God morgon Norge (TV2), Språkteigen (P2), Apollon, Uniforum. Sjå vedlegg 3.
c) Følgje opp forlaget som vil lage ny brosjyre og nye marknadsføringstiltak for Norsk Ordbok.	Ny brosjyre er på plass.
d) Prosjektet bør vere representert med føredrag på den nordiske leksikografikonferansen i Akureyri i mai.	Vi var representerte med seks føredrag.
e) Prosjektet bør vere representert med føredrag på Møte om norsk språk i Stavanger i november.	Vi var representerte med fire føredrag.

f) Vi vil halde fram med å levere Dagens ord til Nynorsk kultursentrum og til vår eiga heimeside.	Nye artiklar er ikkje leverte i år, mengda artiklar er stor nok inntil vidare.
g) Vi bør gjere ein grundig gjennomgang av nettstaden vår med tanke på oppdatering.	Overflatisk oppdatering er gjort. Vi planlegg å lage ein heilt ny nettstad i 2008.
i) Generelt bør vi seie ja til å vere representerte i fora som vi trur kan gagne prosjektet og som ikkje går på tvers av framdrifta, jf. Vesaas-seminar, Uppdal-seminar, nynorsk forskarnettverk, Nynorsk forum og forskingsgruppe i leksikografi ved ILN.	Vi har vore representerte i forskingsgruppa for leksikografi – éin gong med føredrag (OG), tre møte i Nynorsk forum (KB og DW), to nasjonale møte om digitale forskingsressursar (KB). I tillegg har vi presentert korpuset på eit Vesaas-symposium 13. september (AT) og på Vesaas-seminar for studentar (AT). Vi har presentert sjølve prosjektet på Fagleg gryte-seminar (KB), og på seminar for nye mastergradsstudentar på Granavollen (OG). Vi har òg arrangert biografi-seminar i Forskarnettverket for nynorsk skriftkultur (21. november). Vi var dessutan representerte med to føredrag på språknormeringskonferanse i Kristiansand (1.-3. november), og hadde med deltakarar utan føredrag på ALE-konferansen i Skopje Makedonia i april og konferansen i Cognitive Linguistics i Krakow Polen (i juli). I november presenterte OG prosjektet og ordboka for redaksjonen i Oxford English Dictionary. Dessutan har EE presentert og vidareutvikla prosjektideen ”Sterk kost med noko attåt” i tre ulike fora, Verdalen i april, NTNU i mai og Östersund i november.
j) Vi bør planleggje arbeidet med å utarbeide ein separat bibliografisk kodenøkkel som skal følgje verket.	Dette er ikkje gjort.
k) Ta kontakt med DKNVS for å kome i ein dialog om å skipe til eit Norsk Ordbok-seminar i Trondheim i 2008.	Dette arbeidet er i gang. Vi planlegg eit seminar i 2009.
l)	Vi hadde ei bu på Forskningstorget på Universitetsplassen 21.-22. september. Bua var ein suksess, og førte til fine presseoppslag, NRK Østlandssendingen, Aftenposten Aften, Dagsavisen, HF-nytt. Vi var første stopp på HMK Haakon og kunnskapsminister Djupedal sin runde på Forskingstorget.
m)	Laga eit undervisningsopplegg for lærarstudentar og elevar for vidaregåande skolen. Det har blitt framført på Høgskolen i Oslo og éin vidaregåande skole.
n)	KB har fått Velferdsprisen for godt

	arbeidsmiljø, og Nynorskordboka har fått ordboksprisen av NFF (DW, AE).
o)	Redaksjonsmedlemmene i Trondheim har tatt imot innlevert ord til redaksjonen via e-postadressa nyord-til-no.
p)	DW har svart på nynorskspørsmål til nettenesta ordvakta.

16. Kompetanseheving

Mål 2007	Resultat
a) Den siste redaksjonsassistenten bør få fullført si opplæring før 1. juni.	Er gjort.
b) Vi vil arrangere eit eige effektiviserings- og planleggingsseminar 30. januar der fagleg påfyll blir eitt programpunkt.	Er arrangert.
c) Vi vil arrangere sommar- og juleseminar i juni og desember der vi vil trekkje inn eksterne førelesarar.	Seminara vart arrangerte 14. og 15. juni med tre eksterne førelesarar, og 13. og 14. desember med tre eksterne førelesarar.
d) Om det blir arrangert eit nytt Lexicom-kurs, bør vi vere representerte på dette kurset.	Dette passa ikkje for nokon i år.
e) Dei som har behov for det bør gå på powerpoint-kurs i 2007.	Tre tilsette har vore med på powerpointkurs.
f) Vi bør sende nokre tilsette på kurs i Excel.	Er ikkje gjort.
g) Vi bør arbeide for å få nokon til å lage eit eller fleire individuelle forskingsprosjekt med tilknytning til den digitale basen vår.	Ingen i staben har laga individuelle forskingsprosjekt. Men arbeidet med å få knytt forskingsstipend til samlingane har gitt resultat på den måten at eitt slikt stipend vil bli lyst ut frå HF. EE har arbeidd med å leggje rammene for eit matordprosjekt ved NTNU, og det ser ut som ho vil nå fram med tanken om å opprette eit øyremerkt stipend for dette feltet.
h)	Adam Kilgarriff har halde ei gjesteføreling hos oss den 5. desember.